


The background of the entire page is a light blue sky filled with numerous hot air balloons of various colors and patterns, including stripes, checks, and solid colors. The balloons are scattered across the frame, some appearing larger and more detailed than others, creating a whimsical and dreamlike atmosphere.

SINGA BUDAK BERTOMPOK BIRU

BROUGHT TO YOU BY:
WWW.CREMALAYSIA.COM

Chapter 1

Singa ke sekolah



Singa kikenjip teruja ha cip sekolah. Jis adeh ialoh harik petame Singa kisekulah. Iapak amek Singa ya ubai belik Singa beg sekolah Power Rangers. Singa ki-keramik kiet nu sekolah kianj beg pai du iamek! Ku se-kulah, rimdij mai bineng ha Singa. Singa kikerek mende dij mai bineng ha ilei. Gamak ha ibeg Power Rangers pai ajeh? Pasjeh, amek Singa kijug kiwes ikenon kateh kelas pai ru kipasal ikenon ha sekolah had isernuk



Singa bisamut ya icikgu, Miss Tan du senyuman de entoi. Singa biog meja ru ki gei englag Tara, numom mureb kerdor kilog cermin mat. Singa kitegur Tara tapik Tara had kisengek. Tara kipasal Miss Tan, ilei kinyek gei du Singa mende renis Singa besenggoh ru niknij.

Singa mong tumpok biru ku irenis de berupe tandak yesnos. Renis keramik Singa kijadik sedeh ru kiselei bile Tara kibual irenis niknij ru besenggoh. Miss Tan, icikgu kipeterang ku Tara, tumpok biru ku irenis Singa ajeh ialoh tandak yesnos ru tok bor ha bual renis numom ajeh besenggoh ru niknij. Ilei kinasehat Tara supaye kigei ku englag Singa ha bekawat nu ilei.

Chapter 2

Singa ada kawan baru

Irenis sedih Singa kikeramik ru ceria bile Tara ki semanj maaf ku Singa. Singa kijabat teg ha Tara ru kimaap Tara. Ilei kipasal Tara jeoi mai bitanyak ku iamek atao iapak yama irenis mong tumpok biru. Tapik Singa ya kibiasak ru nengneng ataopen tenanyak mai kerileng. Tara kipasal Singa bahwe ilei tok kaha cacek Singa, tapik ilei tok pernah kineng sayet keral de mong tumpok biru ku irenis.

Ali ya kigei ku kenog Singa , ilei ya mulak kitegor Singa. Singa had kikeramik mende ilei hunen jeoi ikawat. Miss Tan kihod imureb dij nai bekawat nu rimdij mai. Ilei kibesat nu imureb ha pekernal dirik memasik ru senalo hurmat ratak kekawat tanpe hik neng kerdor keral, bangse ru agame nai. Miss Tan jugak kibesat ha imureb tok bor hik cacek atao pernyik nus mai kilek

Luceng ku sekolah beengrok , itandak mase ha rehat ya loi. Amk Singa kibekal caknak ru kibesat ha ikenun kior kungsi nu ikekawat. Ilei jugak kiog jerengkeh ha ikenun, doh Singa kaha belik cekelat amen kihod. Singa ru isenuke kiog ikoi nu ikekawat. Semase kicakcak ru ikekawat ku kantin, mong lumom mureb keral imuh Judas kiperek nu ilei. Judas ki tanyak Singa mong bejerengkeh ka tok. Singa kipasal mong ijerengkeh de bi og ya iamek.





Judas kisemanj jerengkeh Singa telas ajeh kicacek
ha renis Singa de nej. Singa kisengoh ru tok kipanei ma
kahabeh . Judas teros kicacek ha Singa. Tara de gei
englag Singa pen ki jap mende ki sengoh ha Judas.

Chapter 3

Singa dibuli

Luceng rehat beengrok, tring..tring


Singa ru ikekawat muj nu kelas. Tetibak, Judas ki kerlag ru kisemanj jerengkeh Singa. Singa kipasal ru bor nu Judas agok kacau ilei ru kiog amaran an kilapor senalah ajeh nu cikgu. Singa pen kicip muj nu kelas. Judas tok puas isengik teros kitarik bajuk Singa loi yog. Judas kicacek Singa pelik ru nej irenis. Mase Singa kahakus, Judas kitulak nej. Oleh sebab kisengoh, Singa kiog jerengkeh nu Judas. Judas kiog amaran agok pasal nu bok-bok. Singa terpaksa kisetuju alaopen kisengoh.



Telas dek ju Judas, Singa ru Tara baicip nu kelas. Tara kinasehat Singa dek kipasal kejadian buli ajeh nu Miss Tan. Miss Tan kiperek mende Tara kinyinjap ru Singa irenis begei kisengoh. Miss Tan kitanyak ma de belakuk. Singa kipasal harok ilei bibuli ru bicacek ya Judas. Singa kipasal nu Miss Tan ilei kisengoh Judas kibuli nej. Miss Tan teros kipetenang Singa ru Tara

Chapter 4

Singa pertahankan diri



Miss Tan kiog nasehat nu imureb deke malapor nu ilei
amen mong kes buli. Kipasal nu imureb deke makarau ru
semanj tulog amen mong mai beancam. Kipasal nu
imureb deke makarau kuat begei Singa mengaum amen
mong mai bekacau. Kipasal nu Singa deke ki beranik ru
tok kisengoh nu pembuli

Miss Tan kipasal nu Singa dek kisuj irenis. Semase Singa kahol nu tandas, Singa kiteserempak nej ru Judas. Judas teros kicacek Singa. Judas kiog amaran nu Singa dek tok kipasal bok-bok pasal ilei kikoť jerengkeh ju Singa.



Singa kiteringat nasehat Miss Tan teros kikarau
kuat-kuat begei Singa mengaum
semanj tulog!!



Cikgu-cikgu de rek teros mai tulog Singa. Judas bicap
ru biog nu Encik Pillay, cikgu disiplin sekolah.

Chapter 5

Singa berasa gembira

Singa kikenjip sernuk ru lega. Ilei tok kisengoh nej nu belok-belok pembuli. Ilei kisedar, amen ilei beranik, bok hentok an de buli. Ilei an sentiase kiingat nasehat Miss Tan, semanj tulog amen bibuli ru karau begei Singa mengaum. Rimdij ikawat nai kenjip bangga ru Singa. Tara kipuji Singa de beranik ru teros maibekawat bor. Miss Tan pen kibangga ru Singa de beranik ru teros kilantik Singa sebegei ketue darjah. Telas ajeh bok hentok de cacek Singa nej. Singa de bigelar sayet betumpok biru hunen bikenal sebegei Singa de gagah ru beranik.



Terima Kasih Kerana Sudi Membaca

Apa yang perlu kamu buat sekiranya kamu menjadi mangsa buli di sekolah atau siber?

1. Laporkan kepada guru/kaunselor sekolah kamu.
2. Ceritakan kepada ibu-bapa/ahli keluarga
3. Minta bantuan melalui:
 - A) Sistem Aduan SISPAA (03-88849325)
 - B) Telefon/WhatsApp (014-800 9325)
 - C) Talian Kasih (15999)
 - D) Email (adubuli@moe.gov.my)



-Tamat-